



ALÞÝÐUSAMBAND ÍSLANDS

Alþingi

Erindi nr. D 130/507

komudagur 5.12.2003

Nefndasvið Alþingis
Austurstræti 8-10
150 Reykjavík

Reykjavík, 3. desember 2003

Efni: Umsögn um frumvarp til breytingu á lögum nr. 31/1999, um alþjóðleg viðskiptafélög, þskj. 358, 312. mál.

Alþýðusamband Íslands hefur fengið til umsagnar frumvarp iðnaðar- og viðskiptaráðherra til breytinga á lögum um alþjóðleg viðskiptafélög, nr. 31/1999.

Alþýðusambandið hefur engar efnislegar athugasemdir fram að færa vegna þessa þingmáls.

Virðingarfyllst,

Ingvar Sverrisson, hdl.

lögfræðideild ASÍ



Félag löggiltra endurskoðenda

Alþingi
Erindi nr. P 130/491
komudagur 4.12.2003

Suðurlandsbraut 6 • 108 Reykjavík • Ísland • ☎ 568 8118 • Fax 568 8139

Reykjavík 3. desember 2003
Tilv. FLE 26-2003

Nefndasvið Alþingis
Efnahags- og viðskiptanefnd
c/o Ágúst Geir Ágústsson, nefndarritari
Austurstræti 8-10
150 Reykjavík


Málefni: Frumvarp til laga um alþjóðleg viðskiptafélög, 312. mál,
brottfall laga o.fl.

Með bréfi dags. 21. nóvember sl. óskaði Efnahags- og viðskiptanefnd Alþingis Íslands eftir umsögn Félags löggiltra endurskoðenda (FLE) um ofangreint málefni.

Samkvæmt samþykktum félagsins sendi stjórnin ofangreint erindi til álitsnefndar FLE. Á fundi sínum í dag tók álitsnefndin málið til umfjöllunar og taldi hún að ekki væri tilefni til sérstakrar umsagnar um það af hálfu Félags löggiltra endurskoðenda.

Stjórn FLE er fyrir sitt leyti sammála niðurstöðu álitsnefndar.

Virðingarfyllt,
Félag löggiltra endurskoðenda


Sigurður B. Arnþórsson
formaður

FJÁRMÁLAÆFTIRLITIÐ

Alþingi
Erindi nr. P 130/348
komudagur 27.11.2003

Efnahags- og viðskiptanefnd Alþingis
b.t. Ágústs Geirs Ágústssonar
v/ Austurvöll
150 REYKJAVÍK

26. nóvember 2003

Tilvísun: 2003110056

Efni: Umsögn um frumvarp til laga um breytingu á lögum nr. 31/1999 um alþjóðleg viðskiptafélög.


Vísað er til bréfs yðar, dags. 21. nóvember 2003, þar sem óskað er umsagnar Fjármálaeftirlitsins um frumvarp til laga um breytingu á lögum nr. 31/1999 um alþjóðleg viðskiptafélög.

Með frumvarpinu eru afnumdar heimildir til stofnunar nýrra alþjóðlegra viðskiptafélaga frá og með 1. janúar 2004 auk þess sem lögín eru afnumin í heild sinni frá og með 1. janúar 2008.

Fjármálaeftirlitið gerir ekki athugasemdir við efni frumvarpsins.

Virðingarfyllst,

FJÁRMÁLAÆFTIRLITIÐ



Páll Gunnar Pálsson



Rut Gunnarsdóttir

Alþingi
Erindi nr. P 130/225
komudagur 20.11.2003

20. nóvember 2003

Til: Efnahags- og viðskiptanefndar


Frá: Tekju og lagaskrifstofu fjármálaráðuneytisins

Efni: Svar við beiðni efnahags- og viðskiptanefndar um upplýsingar um starfsemi alþjóðlegra viðskiptafélaga árið 2003.

Samkvæmt upplýsingum úr álagningarskrám RSK (sjá töflu að neðan) fyrir árið 2003 (tekjur 2002) eru 11 fyrirtæki skráð sem alþjóðleg viðskiptafélög. Þar af er eitt án starfsemi, auk þess sem fjögur skila ekki framtali. Sex fyrirtæki skila framtali, þar af eru tvö með hagnað og greiða því tekjuskatt, eða samtals 1,35 m.kr. Yfirfæranlegt tap er samtals 27,5 m.kr. og hrein eign samtals 77,20 m.kr.

Samtals 11 fyrirtæki	Hagnaður	Tekjuskattur	Yfirfæranlegt tap	Hrein eign
- þar af eitt án starfsemi				
- 4 með áætlun	10,00	0,55	0,00	10,00
- 6 skila framtali	27,60	1,35	27,50	67,20

tölur í m.kr.



KAUPHÖLL ÍSLANDS
Iceland Stock Exchange

Alþingi
Erindi nr. Þ 130/541
komudagur 8.12.2003

Efnahags- og viðskiptanefnd
Alþingi
Austurstræti 8-10
150 REYKJAVÍK


Reykjavík, 5.12.2003
Tilvísun 111
RBJ

Efni: Umsögn um 312. mál (alþjóðleg viðskiptafélög)

Ísað er til bréfs efnahags- og viðskiptanefndar frá 21. nóvember 2003 þar sem óskað er umsagnar Kauphallar Íslands um frumvarp til laga um alþjóðleg viðskiptafélög, 312. mál, brottfall laga o.fl.

Kauphöll Íslands gerir ekki athugasemdir við frumvarpið.

Virðingarfyllt,


Ragnar Þ. Jónasson,
lögfræðingur.

Alþingi
Erindi nr. P 130/492
komudagur 4. 12. 2003

Nefndasvið Alþingis
Ágúst Geir Ágústsson, nefndarritari
Austurstræti 8-10
150 Reykjavík.

Reykjavík, 3. desember 2003.

Umsögn laganefndar LMFÍ um frumvarp til laga um breyting á lögum nr. 31/1999, um alþjóðleg viðskiptafélög. 130. löggjafarþing 2003–2004. Þskj. 358—312. mál.

Lögmannafélag Íslands vísar til bréfs yðar, dags. 21. nóvember 2003, þar sem óskað er umsagnar um ofangreint frumvarp. Laganefnd félagsins hefur haft frumvarpið til skoðunar og sér ekki ástæðu til að gera athugasemdir við efni þess.

Virðingarfyllst,
f.h. laganefndar Lögmannafélags Íslands

Jóhannes Rúnar Jóhannsson, hrl.,
formaður



SAMBAND ÍSLENSKRA TRYGGINGAFÉLAGA

Association of Icelandic Insurance Companies

S/253

Suðurlandsbraut 6
108 Reykjavík
Sími/Tel.: +354-568 1612
Bréfsími/Fax: +354-568 9664

Alþingi

Erindi nr. P/30/375

komudagur 28.11.2003

Alþingi,
efnahags og viðskiptanefnd,
nefndasvið Alþingis,
Austurstræti 8-10,
150 Reykjavík.

27. nóvember 2003

Efni: Um frumvarp til laga varðandi breytingu á lögum um alþjóðleg viðskiptafélög nr. 31/1999, 312. mál.


Með bréfi efnahags- og viðskiptanefndar, dags. 21. nóvember 2003, var Sambandi íslenskra tryggingafélaga sent ofangreint lagafrumvarp til umsagnar.

Í frumvarpinu felst, að eftir 31. desember nk. verði ekki gefin út starfsleyfi fyrir alþjóðleg viðskiptafélög, og þann 1. janúar 2008 falli lögin um þau úr gildi, og þar með starfsleyfi slíkra félaga, er þá kunna að vera enn starfandi.

Ástæður þess, að lögin, og þar með þetta félagsform, verði afnumin, eru skilmerkilega raktar í athugasemdum með frumvarpinu. Sýnast þær góðar og gildar. Fyrir liggur, að áhugi á stofnun og starfrækslu alþjóðlegra viðskiptafélaga varð í raun allt annar og stórum minni, en áætlanir gerðu ráð fyrir. Nauðsynlegt er, að þau fáu félög, sem þó eru með starfsemi sína í þessu félagsformi, fái sanngjarnan aðlögunartíma, til að taka upp annað rekstrar- og félagsform. Forráðamenn þessara félaga réðust í starfrækslu þeirra á grundvelli lögbundins félagsforms, sem þeir máttu ætla, að mundi verða við lýði til nokkurrar framtíðar. Spyrja má, hvort fjögurra ára aðlögunartími, sem þessum félögum er veittur í þessu efni, sé ekki í knappara lagi.

Að öðru leyti en því, sem hér að framan hefur verið rakið, gerir SÍT ekki athugasemdir við efni frumvarpsins.

Virðingarfyllt,
SAMBAND ÍSLENSKRA TRYGGINGAFÉLAGA


Sigurður Arnarson

Alþingi
Erindi nr. Þ 130/324
komudagur. 26.11.2003



SAMTÖK ATVINNULÍFSINS

Efnahags- og viðskiptanefnd Alþingis
Nefndasvið Alþingis
Austurstræti 8-10
150 Reykjavík

SA/

Rvk. 25.11.2003

Brottfall laga um alþjóðleg viðskiptafélög, 312. mál.

Í frumvarpinu er mælt fyrir um brottfall þeirra ákvæða sem sett voru í tengslum við setningu laga nr. 31/1999 um alþjóðleg viðskiptafélög. Samtök atvinnulífsins hafa þegar tjáð afstöðu til frumvarpsins í umsögn um 88. mál þingsins, breytingu á lögum um tekju- og eignarskatt, en þar sagði m.a.:

„Starfsemi alþjóðlegra viðskiptafélaga er miklum takmörkunum háð, en þau mega t.d ekki stunda viðskipti með vörur sem samningurinn um Evrópska efnahagssvæðið tekur ekki til og þær mega ekki eiga uppruna sinn hér á landi. Alþjóðlegu viðskiptafélögin bera 5% tekjuskatt og engan eignarskatt. Þau rök sem sett eru fram fyrir brottfalli laganna eru annars vegar þau að aðeins 6 félög séu með starfsemi í dag sem sýni að þær vonir sem bundnar voru við umrædd lög hafi ekki gengið eftir og hins vegar að lækkun tekjuskatts fyrirtækja úr 30% í 18% og lækkun eignarskatta hafi gert lögin að mestu óþörf.

Stjórnvöld komu á fót lagaumhverfi fyrir alþjóðleg viðskiptafélög vorið 1999 í þeim tilgangi að örva erlenda fjárfestingu á Íslandi og gera Ísland samkeppnishæft við önnur ríki sem bjóða upp á skattalegar ívilnanir í tengslum við afmarkaða tegund starfsemi eða tiltekin eignarréttindi. Ljóst er að markaðssetning á slíku nýju lagaumhverfi tekur töluverðan tíma á alþjóðavettvangi, rétt eins og sýnt hefur sig með markaðssetningu hérlandra skuldabréfa fyrir erlendum fjárfestum sem búið var að reyna í mörg ár áður en þeir tóku að kaupa íslensk húsbréf í nokkrum mæli. Lög um alþjóðleg viðskiptafélög hafa aðeins verið í gildi í um 4 ár og því tæplega fullreynt hvort Ísland nái að festa sig í sessi sem ákjósanlegur staður fyrir félög af þessu tagi. Í því efni ber að hafa í huga að sérstaða Íslands verandi utan ESB mun væntanlega auka aðdráttarafl landsins fyrir þessa tegund félaga á næstu misserum.

Ef það er vilji löggjafans að hverfa frá fyrri ákvörðunum sínum um lögfestingu slíks sérhæfðs starfsumhverfis hér á landi vilja SA af því tilefni minna á bréf til fjármálaráðherra dags. 5. september sl. þar sem bent var á brýnar úrbætur á ákvæðum tekjuskattslaga hvað viðkemur reglum um söluhagnað, arð og þóknarir (sjá fylgiskjal með umsögn þessari). Þeim tillögum er ætlað að greiða leið erlendra fjárfesta til Íslands og sporna við þeirri þróun að hérlendir aðilar flytji fjármagn sitt í auknum mæli út úr landinu með stofnun eignarhaldsfélaga erlendis. Er þar vísað til sambærilegra fordæma í Danmörku, Svíþjóð og Írlandi. Að mati SA er brynt að farið verði í þessar breytingar sem allra fyrst til að auka samkeppnishæfni Íslands og vega upp á móti afnámi laga nr. 31/1999, ef það verður niðurstaða þingsins.“

Virðingarfyllst,

Hannes G. Sigurðsson

aðstoðarframkvæmdastjóri

Aðsetur:
Borgartún 35
105 Reykjavík

Sími:
591 00 00

Bréfsími:
591 00 50

Netfang:
sa@sa.is

Veffang:
www.sa.is



SAMTÖK ATVINNULÍFSINS

Geir H. Haarde
fjármálaráðherra
Arnarhvoli

150 REYKJAVÍK

SA/

Rvk. 05.09.2003

Efni: Áherslur í skattamálum

Skattahópur Samtaka atvinnulífsins hefur undanfarið fjallað sérstaklega um möguleika þess að aðlaga enn frekar íslensk skattalög að alþjóðlegu samkeppnisumhverfi hvað varðar skattlagningu arðs, söluhagnaðar og þóknana til félaga sem skráð eru erlendis. Á sama grundvelli hefur skattahópurinn horft til gildandi ákvæða um skattlagningu hagnaðar erlends félags af sölu eignarhluta í íslensku félagi. Algengt er að tvísköttunarsamningar geymi ákvæði sem fella brott skattskyldu af slíkum tekjum jafnt inn sem út úr landinu. Skattskyldan er hins vegar ótvíræð í dag samkvæmt lögum um tekjuskatt og eignarskatt, nr. 90/2003, þ.e. að af söluhagnaði og arði greiðist 15% tekjuskattur og af þóknunum 18%. Hvað varðar arðinn eru þannig ólíkar reglur eftir því hvort arður er greiddur frá hérlendu félagi til annars íslensks félags eða til félags sem skráð er erlendis, þ.e. 0% milli íslenskra félaga en 15% ef greiddur til félags skráð með skattalega heimilisfesti erlendis. Þá kveða lögin á um 18-26% skatt á söluhagnað erlends félags í íslensku félagi.

Framkvæmd ofangreindra ákvæða íslenskra skattalaga hefur reynst erfið, ekki síst þar sem oft er erfitt fyrir skattyfirvöld að fá upplýsingar um söluverðmæti eða þóknana greiðslur. Ýmis af nágrannalöndum okkar, s.s. Danmörk, Svíþjóð og Írland hafa stigið það skref að afnema skattskyldu á söluhagnaði og arði bæði inn og út úr landinu í skattalöggjöf sinni og þannig aukið frekar á aðdráttarafl sitt sem ríki sem bjóða upp á hagstætt skattaumhverfi fyrir erlenda fjárfesta. Að mati Samtaka atvinnulífsins skiptir miklu máli að sem best samvinna sé á milli stjórnvalda og atvinnulífs um að búa íslensku atvinnulífi þær bestu aðstæður sem þekkjast. Fjárfestingaumhverfið er eitt af lykilatriðunum í því sambandi. Í ljósi þess leggja SA til meðfylgjandi breytingar á lögum nr. 90/2003, en þær miða að því að fara svipaða leið og fyrrgreindar þjóðir og fella brott eða lágmarka skattskyldu af bæði söluhagnaði og arði sem og af greiddum þóknunum út úr landinu og að færa ákvæði um skattskyldu söluhagnaðar inn til landsins í sama horf og gildir um arð sem greiddur er frá erlendu félagi til Íslands.

SA leggja áherslu á að þessar breytingar eiga ekki að hafa áhrif á tekjur ríkissjóðs, þar sem tekjur af þessum þáttum hafa verið í algeru lágmarki. Á hinn bóginn má gera ráð fyrir að slíkar betrubætur á skattalögunum muni greiða leið fjölda erlendra fjárfesta til Íslands og sporna á móti þeirri þróun að íslenskir aðilar flytji fjármagn sitt í vaxandi mæli út úr landinu með stofnun eignarhaldsfélaga á erlendri grundu.

Virðingarfyllt,

Ari Edwald,
framkvæmdastjóri

Aðsetur:
Borgartúni 35
105 Reykjavík

Sími:
591 0000

Bréfsími:
591 0050

Netfang:
sa@sa.is

Veffang:
www.sa.is



Frumvarp til laga um breyting á lögum nr. 90/2003, um tekjuskatt og eignarskatt

1. gr

Eftirfarandi breytingar verða á 3. gr. laganna:

- a. 6. tölul. fellur brott og töluröð seinni tölul. breytist skv. því
- b. í stað orðanna “þar með talinn söluhagnað” í 6. tölul. (áður 7. tölul.) kemur: “þó ekki söluhagnað”
- c. í stað orðanna “4.-8. tölul.” í 7. tölul. (áður 8. tölul.) kemur: 4.-6. tölul.
- d. í stað orðanna “4.-8. tölul.” í 8. tölul. (áður 9. tölul.) komi: orðin “4., 5. og 7. tölul.”

2. gr.

Ný 5. mgr. 18. gr. laganna orðast svo (röð annara mgr. breytist samkvæmt því):

Hagnaður lögaðila, sbr. 1. mgr. 2. gr., af sölu eignarhluta í óskráðum hlutafélögum er þó undanþeginn skattskyldum tekjum. Sama gildir um sölu eignarhluta í skráðum hlutafélögum, enda hafi eignarhluti seljenda numið a.m.k. 10% af heildarhlutafé í þeim félögum sem hann er seldur úr og hann hafi verið í eigu seljanda í að lágmarki í 12 mánuði.

3. gr.

Eftirfarandi breytingar verða á 70. gr. laganna:

- a. Talan “7” í 2. málsl., 1. mgr. 2. tölul. fellur niður
- b. Ný málsg., 2. mgr. 2. tölul., orðast svo: Tekjuskattur aðila, sem um ræðir í 6. tölul. 3. gr., skal nema 10% af tekjuskattsstofni þeirra. Arður af hlutafé greiddur af óskráðu félagi, sbr. 1. tölul. 2. gr., til lögaðila heimilisfastra erlendis er þó undanþeginn skatti, ef erlendi lögaðilinn er heimilisfastur í ríki sem gerður hefur verið tvísköttunarsamningur við. Sama gildir um arð af hlutafé sem greiddur er af skráðu félagi ef erlendi lögaðilinn á a.m.k. 10% eignarhlutdeild í félaginu sem greiddi arðinn og hefur átt eignarhlutinn í að lágmarki 12 mánuði..
- c. Talan “6” í 3. tölul. fellur brott.
- d. Talan “8” í 3. tölul. verði talan 7.
- e. Orðið “söluhagnaður” í 1. málsl. 4. tölul. fellur niður

4. gr.

Eftirfarandi breytingar verða á 3. mgr. 75. gr. laganna: Í stað orðanna “5.-8. tölul.” kemur: 5. og 7. tölul.

Greinargerð með frumvarpi

I. Almenn

Tilgangur frumvarpsins er að gera tilteknar tæknilegar breytingar á tekjuskattslögum til samræmis við fyrri aðlaganir íslensku skattalaganna að þörfum íslenskra fyrirtækja í alþjóðlegu viðskiptaumhverfi, svo og til samræmis við þróun skattalaga í þeim löndum sem við berum okkur helst saman við.



Að mati frumvarpshöfunda er ekki ástæða til að óttast að niðurfelling eða mildun á takmarkaðri skattskyldu erlendra aðila hér á landi muni hafa áhrif á samningsstöðu Íslands í samningum við önnur ríki um lausn undan tvísköttun. Meginatriðið í slíkum samningum er að bjóða væntanlegum samningsríkjum sömu reglur og gilda fyrir hérlanda aðila og stuðla þannig að því að fá samskonar tilslakanir af þeirra hálfu og betri skattakjör fyrir íslenska einstaklinga og fyrirtæki. Flestar hinna Norðurlandabjóðanna og t.d. Hollendingar hafa farið þessa leið með góðum árangri, sem hefur skapað þeim alþjóðlegt skattaumhverfi innanlands og þannig greiða leið fólks og fjármuna milli landa.

II. Athugasemdir við einstakar greinar

Um 1. gr.

A-liður: Hér er lagt til að skattskylda erlendra aðila af tekjum vegna afnota á lausafé og einkaleyfum og öðrum óáþreifanlegum réttindum verði afnumin. Í framkvæmd hefur þessu ákvæði ekki verið beitt og því hefur þessi breyting ekki í för með sér tekjuskurðingu fyrir ríkissjóð. Þá má taka fram að í þeim tvísköttunarsamningum sem Ísland hefur gert við aðrar þjóðir er jafnan kveðið á um að slíkar þóknarir séu eingöngu skattlagðar í heimilisfestisríki. Með afnámi skattskyldu þóknana af hugverkum og sérþekkingu verður Ísland áhugaverðari kostur til skráningar þess háttar réttinda hér á landi. Þá ber að líta til þess að ekki er tekinn staðgreiðsluskattur af slíkum greiðslum milli innlendra aðila, en mismunur milli þeirra og þess þegar EES-þegar eiga í hlut, gæti farið í bága við skuldbindingar Íslands skv. EES-samningnum.

B-liður: Lagt er til að skattskylda erlendra aðila af sölu hlutabréfa í íslenskum félögum verði afnumin. Ákvæðið hefur reynst illframkvæmanlegt, auk þess sem það er í ósamræmi við þær reglur sem í gildi eru hjá þeim þjóðum sem við berum okkur ofast saman við í þessum efnum. Þá hefur ákvæðið ekki skapað ríkissjóði tekjur, þar sem því hefur ekki verið beitt í framkvæmd. Hafa má í huga að íslensk fjármálafyrirtæki hafa í auknum mæli verið að sækja á erlenda markaði og í því efni tekið að sér fjárvörslu og eignaumsýslu fyrir erlenda aðila. Sú þróun er mikilvægt mótvægi við aukinn brottflutning fjármagns í eigu íslenskra aðila til annarra landa. Vegna þeirrar óvissu sem ríkir um skattalega meðferð söluhagnaðar af hlutabréfum kjósa hins vegar flestir hinna erlendu fjármagneigenda aðrar leiðir en beina fjárfestingu í hlutabréfum. Þessi aðstaða dregur mjög úr möguleikum á að laða hingað erlent fjármagn til ávöxtunar.

C-liður: Hér er einungis verið að aðlaga tilvísanir í töluliði til samræmis við aðrar breytingartillögur greinarinnar.

D-liður: Lagt er til að takmörkuð eignarskattskylda á hlutum í íslenskum félögum verði afnumin til samræmis við það sem gerist í flestum viðskiptalöndum. Sama á við hér og í B-lið, þ.e. að ákvæðið hefur verið illframkvæmanlegt og ekki skapað ríkissjóði eiginlegar tekjur. Þá er jafnan kveðið á um það í tvísköttunarsamningum að þessi skattlagningarréttur tilheyri ekki Íslandi. Horfa ber til þess að þetta breytir ekki almennum reglum um eignarskattskyldu íslensku félaganna. Áfram er gert ráð fyrir því að eignir fastrar atvinnustöðvar erlendra aðila hér á landi og fasteignir þeirra verði háðar takmarkaðri eignarskattskyldu, þar til eignarskatturinn verður afnuminn í heild sinni.

Um 2. gr.

Lögd er til sú breyting að hagnaður lögaðila af sölu eignarhluta í óskráðum hlutafélögum verði undanþeginn skattskyldu og að það sama gildi um hagnað lögaðila vegna sölu eignarhluta í skráðum hlutafélögum eftir lágmarks eignarhaldstíma og að tilskyldu 10% eignarhaldi. Er þetta gert til samræmis við svipaðar reglur sem gilda í



ýmsum viðskiptalöndum okkar, t.d. í Svíþjóð, Danmörku, Þýskalandi, Lúxemborg og Hollandi. Þá ætti þessi breyting að stuðla að því að íslenskir aðilar sjái sér síður hag í því að skrá eignarhaldsfélög sín í öðrum ríkjum, eins og borið hefur á í auknum mæli á undanförunum árum. Breytingin ætti ekki að hafa teljandi áhrif á tekjur ríkissjóðs af félögum sem skráð eru innanlands í dag því að þau geta samkvæmt gildandi lögum tekið hagnað sem myndast í dótturfélaginu út í formi arðs, sem er skattfrjáls, auk þess sem þau hafa möguleika á að fresta skattskyldu söluhagnaðar skv. núgildandi ákvæði 5. mgr. 18. gr.

Um 3. gr.

A-liður: Sjá umfjöllun um B-lið.

B-liður: Í fyrsta lagi er lagt til að almennt staðgreiðsluskattshlutfall á arði milli innlendra og erlendra félaga verði 10%, eins og nú gildir milli innlendra félaga, en nauðsynlegt er vegna aðildar okkar af Evrópska efnahagssvæðinu að sömu reglur gildi að þessu leyti um innlenda og erlenda aðila. Þá er lagt er til að arður greiddur af félagi skráðu á Íslandi til félags með heimilisfesti erlendis verði skattfrjáls við ákveðin skilyrði. Þessi breyting er einnig til samræmis við skattalög í Danmörku, Svíþjóð og Írlandi og er til þess fallin að ýta undir erlenda fjárfestingu hér á landi. Þá eru sambærilegar arðgreiðslur almennt ekki skattskyldar í Bretlandi, eða á milli landa innan Evrópusambandsins.

C-E liður: Síðari breytingartillögurnar í þessari grein er einungis tæknilegar, til samræmis við aðrar breytingartillögur í frumvarpinu.

Um 4. gr.

Lagt er til að tilvísun í töluliði verði breytt til samræmis við þær efnisbreytingar sem frumvarpið geymir.



Samtök banka og verðbréfafyrirtækja
Bankers' and Securities Dealers' Association of Iceland

Alþingi

Erindi nr. P 130/449

komudagur 3.12.2003

1. desember 2003

Alþingi,
efnahags- og viðskiptanefnd,
Austurstræti 8-10
150 Reykjavík

Efni: Umsögn um frv. til l. um brt. á lögum um alþjóðleg viðskiptafélög (312. mál)


Visað er í bréf nefndarinnar dags. 21. nóvember sl. þar sem óskað er eftir umsögn um ofangreint mál.

Lög um alþjóðleg viðskiptafélög hafa bæði beint og óbeint haft jákvæð áhrif á alla ráðgjöf í tengslum við fjárfestingar erlendra aðila hér á landi og skapað ákveðin tækifæri fyrir Ísland í tengslum við milligöngu um viðskipti með vöru og þjónustu o.fl. á erlendri grundu. Sambærilegt lagaumhverfi í þeim efnum finnst í fáum öðrum ríkjum, enda ekki um svokallaða aflandsstarfsemi að ræða heldur lága skattprósentu fyrir sérstaka tegund viðskipta.

Ljóst er að það getur tekið all mörg ár að vinna slíku sérhæfðu félagsformi viðurkenningar meðal erlendra fjárfesta. Að mati SBV er enn það stutt síðan lögin tóku gildi að ekki er fullreynt hvort þau geti skapað íslensku þjóðarbúi og atvinnulífi verulegan ávinning á komandi árum. SBV telur því alls ekki tímabært að breyta lögunum eða fella þau niður.

SBV telja afar brýnt að allt skattalegt umhverfi gagnvart erlendri fjárfestingu hérlandis og fjárfestingu íslenskra aðila í útlöndum sé sem samkeppnishæfast. Í þeim efnum vísa SBV til tillagna sem Samtök atvinnulífsins sendu fjármálaráðherra 5. september sl. um breytingar á tekjuskattslögum sem miða að því að skapa forsendur fyrir aukinni samkeppnishæfni á fjárfestingaumhverfinu.

Virðingarfyllst,



Halldór J. Kristjánsson
formaður



Samtök iðnaðarins
Federation of Icelandic Industries

Nefndasvið Alþingis
Efnahags- og viðskiptanefnd
Austurstræti 8 - 10
150 REYKJAVÍK

Reykjavík, 24. nóvember 2003

Efni: Frumvarp til laga um breyting á lögum nr. 31/1999, um alþjóðleg viðskiptafélög, 312. mál.

Samtök iðnaðarins styðja að ofangreint frumvarp verði að lögum.

Þegar lögin um alþjóðleg viðskiptafélög voru sett árið 1999 lögðust Samtök iðnaðarins frekar gegn samþykkt þeirra. Þetta má sjá í umsögn Samtakanna frá 18. febrúar 1999 um mál nr. 414 á 123. löggjafarþingi. Þar var m.a. bent á að í stað sértækra aðgerða, sem í frumvarpinu fælust, væri nær að grípa til almennra lagfæringa á starfsskilyrðum, ekki síst skattkerfinu.

Nú er komið á daginn að þessi tilraun hefur mistekist og því rétt að leggja af starfsemi alþjóðlegra viðskiptafélaga og halda frekar áfram á þeirri braut að gera almenn starfsskilyrði eins góð og best þekkjast og laða þannig erlenda fjárfestingu og umsvif til landsins samtímis því að innlend starfsemi fær betri tækifæri til að vaxa og dafna.

SAMTÖK IÐNAÐARINS

Ólafur Steindór Valdimarsson
aðstoðarframkvæmdastjóri

SAMTÖK VERSLUNARINNAR

FEDERATION OF ICELANDIC TRADE



SAMTÖK MIÐRÉTTAVERSLUNAR
HÉLUSSÓFT- OG SAVANSÓFTDRÖGUNGAR

Alþingi

Erindi nr. P 130/450

komudagur 3.12.2003

Alþingi
Nefndasvið
Austurstræti 8-10
150 Reykjavík

Reykjavík, 03.12.2003


Tilv. 02.109

GÁS

Vísað er til erindis hæstvirktrar efnahags- og viðskiptanefndar Alþingis, dags. 21. nóvember sl., þar sem óskað er umsagnar Samtaka verslunarinnar um frumvarp til laga um alþjóðleg viðskiptafélög, 312. mál.

Samtökin telja, í ljósi þeirrar reynslu sem orðin er af lögum um alþjóðleg viðskiptafélög, eðlilegt að afnema þau.

Virðingarfyllst


Guðrún Ásta Sigurðardóttir hdl.



Alþingi
Erindi nr. þ 130/451
komudagur 3.12.2003

2. desember 2003

Nefndasvið Alþingis,
Austurstræti 8-10,
150 Reykjavík


Efni: Frumvarp til laga um breyting á lögum nr. 31/1999, um alþjóðleg viðskiptafélög, þskj. 358 – 312. mál.

Vísað er til bréfs efnahags- og viðskiptanefndar Alþingis, dags. 21. nóvember sl., þar sem óskað er eftir umsögn Seðlabanka Íslands um frumvarp til laga um breyting á lögum nr. 31/1999, um alþjóðleg viðskiptafélög.

Í frumvarpinu er í fyrsta lagi lagt til að frá og með 1. janúar 2004 verði ekki gefin út ný starfsleyfi fyrir alþjóðleg viðskiptafélög og í öðru lagi að lögin verði afnumin 1. janúar 2008.

Seðlabanki Íslands gerir ekki athugasemdir við frumvarpið.

Virðingarfyllst,
SEÐLABANKI ÍSLANDS


Birgir Ísl. Gunnarsson
formaður bankastjórnar


Eiríkur Guðnason
bankastjóri

SEÐLABANKI ÍSLANDS

KALKOFNSVEGI 1 · 150 REYKJAVÍK

1

SÍMI: 569 9600 · NETFANG: sedlabanki@sedlabanki.is · BRÉFASÍMI: 569 9605

Alþingi
Erindi nr. Þ 130/588
komudagur 10.12.2003

Nefndasvið Alþingis
Austurstræti 8-10
150 REYKJAVÍK



8. desember 2003

Efni: Umsögn SVP um frumvarp til laga um breytingu á lögum nr. 31/1999, um alþjóðleg viðskiptafélög.

SVP-Samtök verslunar og þjónustu hafa yfirfarið þetta frumvarp til breytinga á lögum um alþjóðleg viðskiptafélög, 312.mál, brottfall laga.

Reifun máls

Markmið umræddra laga var að hvetja erlenda fjárfesta til að fjárfesta á Íslandi og hefja hér rekstur. Þessi lög hafa einungis verið í gildi um skamman tíma og því er gildi þeirra varla fullreynt eftir svo skamman tíma.

SVP hafa kynnt sér umsögn SA um þetta mál, en þar kemur m.a. fram að gera þurfi ýmsar úrbætur verði lögin felld niður.

Umsögn

SVP – Samtök verslunar og þjónustu hafa ekki beinna hagsmuna aðildarfélaga að gæta í sambandi við þetta mál og leyfa sér því að hafa ekki ákveðnar skoðanir um það.

Virðingarfyllst,

Sigurður Jónsson framkvæmdastjóri

Alþingi
Erindi nr. P 130/545
komudagur 8.12.2003



**VERSLUNARRÁÐ
ÍSLANDS**

ICELAND CHAMBER
OF COMMERCE
Stofnað 1917

SAMTÖK
VIÐSKIPTALÍFSINS

Nefndasvið Alþingis
Efnahags- og viðskiptanefnd
b/t Ágústs Geirs Ágústssonar, nefndarritara
Austurstræti 8 - 10
150 Reykjavík

Reykjavík, 3. desember 2003.

Efni: Frv. til l. um br. á l. nr. 31/1999 um alþj. viðskfél. (312. mál).

Verslunarráð Íslands þakkar nefndinni fyrir það tækifæri að fá að veita umsögn um ofangreint frumvarp sem miðar að því að leggja niður alþjóðleg viðskiptafélög. Verslunarráð mælir sterklega gegn því að frumvarpið nái fram að ganga.

Verslunarráð Íslands hefur tekið þátt í vinnu vegna alþjóðlegra viðskiptafélaga. Bæði kom ráðið að undirbúningi að lagasetningu um alþjóðleg viðskiptafélög og eftir að hún gekk eftir kom ráðið að markvissri kynningu á félögunum erlendis. Fljótlega eftir gildistöku laganna varð vart við vankanta á löggjöfinni sem hömluðu að nokkru leyti skráningu nýrra félaga. Hvatti ráðið til þess að úr þessu yrði bætt. Þrátt fyrir að því var ekki sinnt hefur töluverður árangur náðst með alþjóðlegum viðskiptafélögum. Tilgangur þeirra er að auka og efla erlenda fjárfestingu hér á landi. Það hefur tekist þó að ekki hafi gengið eftir upphafleg áætlun sem, eins og kemur fram í greinargerð með ofangreindu frumvarpi, var til þriggja ára. Sú áætlun má enda teljast í samræmi við væntingar bjartsýnustu manna og horfði afar skammt fram á veg. Verslunarráð telur að árangur af kynningarstarfi fyrir alþjóðleg viðskiptafélög sé ekki aðeins mældur með fjölda skráðra félaga. Um leið og alþjóðleg viðskiptafélög hafa verið kynnt erlendum fjárfestum hefur Íslandi og öðrum fjárfestingarkostum hér á landi verið komið á framfæri. Ísland og íslenskur fjármálamarkaður hefur fengið umfjöllun í helstu alþjóðlegu fagtimaritum fjárfesta og á alþjóðlegum ráðstefnum fagfjárfesta. Þannig hafa alþjóðleg viðskiptafélög beint augum erlendra fagfjárfesta að íslenskum fjármálamarkaði í heild og um leið ýmsum þeim hagstæðu fjárfestingarkostum sem þeim standa hér til boða. Í þessu ljósi verður að vega og meta árangur af lagasetningu um alþjóðleg viðskiptafélög.

Þrátt fyrir að hafa ekki lengur með höndum formlegt starf vegna alþjóðlegra viðskiptafélaga fær Verslunarráð Íslands enn mikinn fjölda fyrirspurna erlendis frá um félögin. Það er engum vafa undirorpið að markaðssetning félaganna gekk vel og fyrirbærið er alþekkt meðal erlendra fagfjárfesta. Verslunarráð myndaði persónuleg sambönd við erlendar stofnanir fjárfesta

Póstáritun:

Verslunarráð Íslands
Húsi verslunarinnar
Kringlan 7
103 Reykjavík

Sími: 510 7100

Bréfsími: 568 6564

Netfang: mottaka@chamber.is

Website: www.chamber.is

og býr í dag yfir gagnabanka með mörg hundruð aðilum sem spurst hafa fyrir og fengið kynningu á alþjóðlegum viðskiptafélögum.

Verslunarráð tekur undir það sem segir í greinargerð með ofangreindu frumvarpi um breytingar á skattalegu umhverfi íslenskra fyrirtækja og að mikilvægi alþjóðlegra viðskiptafélaga sé kannski minna en ella. Það er hins vegar alveg ljóst að umræddar breytingar hafa ekki gert félögin óþörf og er reyndar enn langt í land með það. Verslunarráð mun styðja öll skref í þá átt en þangað til telur ráðið afar mikilvægt að rekstrarumhverfi alþjóðlegra viðskiptafélaga verði ekki raskað.

Í greinargerð er bent á starf innan OECD og ESA hvað ýmis konar skattalegt hagræði varðar. Virðist það sett fram sem einhvers konar rökstuðningur fyrir framlagningu ofangreinds frumvarps. Verslunarráð vill í því sambandi leggja áherslu á að ekkert er fram komið, hvorki frá þessum stofnunum eða öðrum, sem knýr á um það að möguleikar til starfrækslu alþjóðlegra viðskiptafélaga verði aflagðir.


Verslunarráð telur það í besta falli óþolinmæði, ef ekki fljótfærni, að gefa löggjöf á borð við alþjóðleg viðskiptafélög svo skamman tíma til reynslu eins og hér um ræðir. Eins og áður segir leggst ráðið gegn því að alþjóðleg viðskiptafélög verði lögð niður, sérstaklega ef ekki eiga að koma til aðrir möguleikar á að efla alþjóðlega fjárfestingu hér á landi. Er í því sambandi litið til töluverðra breytinga á reglum um skattgreiðslur erlendra aðila af arði og söluhagnaði hér á landi.

Að öðru leyti vill Verslunarráð koma að athugasemd um ákvæði frumvarpsins til bráðabirgða um útgáfu nýrra starfsleyfa. Ráðið telur mikilvægt og til bóta, ef frumvarpið á að ná fram að ganga, að ákvæðið hljóðaði upp á seinni tíma dagsetningu. Verslunarráð hefur haft veður af því að einmitt þessa dagana sé fyrirhuguð skráning alþjóðlegra viðskiptafélaga í eigu stórra fyrirtækja. Þessi fyrirtæki hafa mikinn áhuga á skráningu hér á landi, jafnvel í ljósi vitneskju um ofangreint frumvarp, og væri synd ef skráningu þeirra væri hamlað með þessum hætti. Þar sem frumvarpið gerir ráð fyrir starfrækslu félaganna fram til ársins 2008 er ekki ástæða til annars en að nýskráningar séu heimilaðar eitthvað fram að því. Verslunarráð leggur til að miðað sé við 31. desember 2004.

Verslunarráð Íslands vill að lokum ítreka þá afstöðu sína að lög um alþjóðleg viðskiptafélög haldi enn um sinn.

Virðingarfyllt,

f.h. Verslunarráðs Íslands,



Sigríður Ásthildur Andersen.

Frá viðskiptaráðuneytinu.

312. mál, alþjóðleg viðskiptafélög.

Samantekt um kostnað við kynningu alþjóðlegra viðskiptafélag

1999: Fjárveiting 15 milljónir.

- 3 m.kr. til Fjárfestingastofunnar.
- 12 m.kr. til Verslunarráðs Íslands.

2000: Fjárveiting 15 milljónir.

- 3 m.kr. til Fjárfestingastofunnar.
- 12 m.kr. til Verslunarráðs Íslands.

2001: Fjárveiting 9 milljónir.

- 7.3 m.kr. til Verslunarráðs Íslands.

2002: Fjárveiting 9 milljónir.

- 5 m.kr. til Verslunarráðs Íslands.

Annað:

5.7 m.kr. hafa farið í rekstur starfsleyfisnefndar alþjóðlegra viðskiptafélaga.